

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK
o ispravci Rješenja broj: UP – 01-26-2-025-43/17

Sarajevo
juli, 2018. godine.



Broj: UP – 01-26-2-025-62/17
Sarajevo, 26. 7. 2018. godine

Konkurencijsko vijeće Bosne i Hercegovine na osnovu člana 25. stav (1) Zakona o konkurenciji („Službeni glasnik BiH“, br. 48/05, 76/07 i 80/09), i člana 209. Zakona o upravnom postupku Bosne i Hercegovine („Službeni glasnik BiH“, br. 29/02, 12/04, 88/07, 93/09, 41/13 i 53/16), na 32. (trideset drugoj) sjednici održanoj dana 26. 7. 2018. godine, donijelo

ZAKLJUČAK
O ispravci Rješenja broj: UP – 01-26-2-025-43/17 od 7. juna 2017. godine

1. U tekstu obrazloženja Rješenja broj: UP – 01-26-2-025-43/17 od 7. juna 2017. godine, na stranici 19. rečenica koja glasi:
 - „Na osnovu dostavljenih dokaza i utvrđenog činjeničnog stanja, kao argumentacije iznesene tokom postupka, savjesnom i detaljnom ocjenom svakog dokaza posebno i svih dokaza zajedno, Konkurencijsko vijeće je na ____ sjednici održanoj dana ____ juna 2018. godine, razmatralo navedeni predmet i donijelo odluku kojom se utvrđuje postojanje zloupotrebe dominantnog položaja od strane privrednog subjekta KJKP „Toplane- Sarajevo“, te odluku kojom se utvrđuje kako Vlada Kantona Sarajevo nije počinila zabranjeni sporazum.“,

se mijenja rečenicom koja glasi:

 - „Na osnovu dostavljenih dokaza i utvrđenog činjeničnog stanja, kao argumentacije iznesene tokom postupka, savjesnom i detaljnom ocjenom svakog dokaza posebno i svih dokaza zajedno, Konkurencijsko vijeće je na 30. sjednici održanoj dana 7. juna 2018. godine, razmatralo navedeni predmet i donijelo odluku kojom se utvrđuje postojanje zloupotrebe dominantnog položaja od strane privrednog subjekta KJKP „Toplane- Sarajevo“, te odluku kojom se utvrđuje kako je Vlada Kantona Sarajevo počinila zabranjeni sporazum.“
2. Ovaj Zaključak proizvodi pravno dejstvo od dana od kojeg proizvodi pravno dejstvo i Rješenje Konkurencijskog vijeća broj: UP – 01-26-2-025-43/17 od 7. juna 2017. godine.
3. Ovaj Zaključak se prilaže originalu i čini njegov sastavni dio.
4. Ovaj Zaključak je konačan i bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine je na 30. (tridesetj) sjednici održanoj dana 7. juna 2018. godine donijelo Rješenje broj: UP – 01-26-2-025-43/17 od 7. juna 2017. godine, kojim je utvrđeno da je privredni subjekt Kantonalno javno komunalno preduzeće za proizvodnju i distribuciju toplotne energije „Toplane – Sarajevo“ d.o.o. Sarajevo, Semira Frašte 22, 71 000 Sarajevo, zloupotrijebio dominantan položaj na tržištu isporuke toplotne energije u Kantonu Sarajevo, primjenom odredbi Tarifnog sistema KJKP „Toplane – Sarajevo“ d.o.o. Sarajevo sa metodologijom obračuna isporučene toplotne energije („Službene novine KS“ broj 34/16) koje se odnose na plaćanje fiksnih troškova korisnika isključenih iz toplifikacijskog sistema, što predstavlja uslovljavanje drugoj strani da prihvati dodatne obaveze koje po svojoj prirodi nemaju veze s

predmetom sporazuma, te ograničavanje tržišta na štetu potrošača, u skladu sa odredbama člana 10. stav (2) tačke b) i d) Zakona o konkurenciji.

Također, istim Rješenjem je utvrđeno da je Vlada Kantona Sarajevo, Reisa Džemaludina Čauševića broj 1, 71000 Sarajevo, donošenjem Odluke o usvajanju tarifnog sistema davaoca usluge KJKP „Toplane-Sarajevo“ d.o.o. Sarajevo („Službene novine KS“ broj 34/16), u dijelu koji se odnosi na primjenu odredbi Tarifnog sistema KJKP „Toplane –Sarajevo“ d.o.o. Sarajevo sa metodologijom obračuna isporučene toplotne energije, kojim se vrši naplata fiksnih troškova korisnika isključenih iz toplifikacijskog sistema, počinila zabranjeni sporazum, u smislu člana 4. stav (1) tačke b) i e) Zakona o konkurenciji.

Prilikom lektoriranja uočeno je da je u obrazloženju Rješenja na stranici 19. nalazi greška u pisanju, pa se stoga, u skladu sa članom 209. Zakon o upravnom postupku Bosne i Hercegovine, ista ispravlja ovim zaključkom kako je navedeno u dispozitivu.

Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine, u roku od 30 dana od dana prijema, odnosno objavljivanja ovog Zaključka.

Predsjednica

Adisa Begić

Dostavljeno:

- Vlada Kantona Sarajevo, putem Pravobranilaštva,
- KJKP „Toplane – Sarajevo“ i
- U spis.